



遍照發揮性靈集鈔 九



~ 16
3323
9





性靈集鈔

九



藏



門 16
號 3323
卷 9

續遍照發揮性靈集補闕抄卷八

為忠延師先妣講理趣經表白文一首

三嶋大夫為亡息女書寫供養法華經講

說表白文一首

講演佛經報四恩德表白一首

為先師講釋林梵納經表白一首

有人為先舅修法事願文一首

和尚奉為祈皇帝轉讀大般若經願文一首

有人為亡親修法事願文一首

有人為先師修法事願文一首

被修公家仁王講表白一首

高野山萬燈會願文一首

勸進奉造佛塔知識書一首

為忠延師先妣講理趣經表白文一首

△忠延師者大師十大弟子隨一也師者法師也

弟子 表名 歸命兩部四印等 湯句

△右此句歸命詞也△四印者於兩部各有大智印法智印三昧耶智印羊石智印故云歸命兩部四印也是則四種曼荼羅也矣

導聞 發句

林鳥微禽有反哺之志 他

泉獺愚獸致祭魚之誠

△林鳥者此發端舉天性之孝林鳥

者文選曰補已詩曰噉々林鳥受哺于子注曰噉々
聲也言鳥鳥微亦受哺於子孝子傳曰慈鳥者孝鳥
也生於深林高巢之表銜食供雛口不自進羽翔勞
悴不復能飛其子毛羽已具將到東西取食反哺其
母禽鳥尚尔况人倫乎△泉獺者禮記曰獺祭魚然
後虞人入澤梁注曰最初必須時侯也梁絕水取魚
者也同月令曰孟春獺祭魚注曰此時魚肥羨也獺
將食之先所祭也正義曰安月令正月獺祭魚孝經
緯曰獸熱伏獺祭魚則十月也是獺一歲再祭魚又
曰獺祭魚然後虞人入澤梁謂十月時正月雖獺祭
魚虞人不得入澤梁文

何况傍句

天性之孝易感他

因極之恩難答他

△天性孝者陸地蟻子向父母三足退報孝恩海中
云鮓魚小如蠃大形白目黑此魚從母先不行禮
記注見

至如傍句

屈十力而擔棺平

乘六通而饋鉢他

△屈十力而擔棺者淨飯王泥洹經云淨飯王命盡
以衆香汁洗浴王身縛以劫彼育疊及諸繒綿而以
棺銀舉棺置師子座上散華燒香佛共難陀在喪頭
前恭肅而立阿難羅云住在喪足阿難羅云皆顛擔
王棺如來亦欲擔父王棺大千世界六種震動衆山

俄踊沒如水上，船諸天俱來，起喪同，欲擔棺四天王
反人形像，以手擎棺，擔著肩上。世尊執香，呂在喪
前行出詣墓處，靈鷲山上，千羅漢以神力往大海，諸
水取牛頭栴檀佛與大菩薩積香薪，舉棺置上，放火
焚之。余時諸王各持百瓶乳，用滅火，搃論殯葬矣。
△乘六通而饋鉢者，孟蘭盆經云：大目犍連始得六
通，欲度父母，報乳哺之恩，則以道眼觀視世界，見其
亡母生餓鬼中，不見飲食，皮骨連立。目連悲哀，則鉢
盛飯饋其母，得鉢飯，便以左手執飯，右手摘食，未
入口，化成火炭，遂不得食。目連大叫悲啼，涕泣馳還，
向佛具陳如此。佛言：汝母罪根深結，非汝一人力，況
得奈何。○當須十方眾僧威神之力，乃得解脫。○佛
告目連：十方眾僧七月十五日僧自恣時，當為七世
父母。現在父母厄難中者，具辦飲食百味五菓，及

香油，鉢燭床卧眾具，盡七甘美，以著瓦中，供
養十方大德僧眾。○眾僧咒願竟，僧自受食。○而目
連悲啼泣，聲釋然，除滅是時目連，其母則於是日得
脫一切餓鬼之苦矣。又淨土孟蘭盆經云：余時阿難
白佛言：世尊，目連比丘，母何業為人，作何罪過，受生
餓鬼三劫受罪，目連何因緣，故說其家佛告阿難：過
去有佛名定光佛，出現於世，住羅陀國中。余時目連
生一婆羅門家，字羅卜，其兒羅卜少好布施，母大慳，
不樂布施。兒出遊行，屬母言：朝當有多客來覓當為
客，設食。是其兒行後，多客來，母都無設食。兒來問母
言：今朝來乎？母答曰：汝不見設食，處處狼籍在地，如
是其母妄語。五百世入餓鬼中，目連怜母死，入餓鬼
中，助之令生
天得樂矣

大孝之稱於焉顯矣他酬德之理誰敢遺乎平

△大孝之稱者孟蘭盆疏律大智師云通則六度萬行無非報恩別則在處奉親皆能盡孝至於成道先度慈親始為摩耶昇天說法終為淨飯躬自昇釋累劫功成功故稱大孝文

伏惟發自先妣宗方朝臣氏表名

生我之功高於五岳育我之德深於四瀆他

△五岳者提謂經云東方太山漢言岱岳陰陽交代故名名岱岳南方霍岳漢言霍山霍獲也物焚可獲故名霍岳西方老岳漢言華山華者落萬物表落放細老岳北方長生山漢言恒岳恒岳恒者常陰陽

堂畢終故名恒山中央和山漢言嵩四方巢故名巢是為五岳矣△四瀆者史記曰禹疏九江四瀆也民廼有安東為江北為濟西為河南為淮四瀆已修萬民有居矣

濕乾忘勞平提哺不倦他△濕乾忘勞者是幼稚間大小

便廷濕也母是不厭濕方我寢乾方子置也愛心深故忘勞也涅槃經第九云奇哉我母受大苦惱滿足十月懷抱我胎既生之後推乾去濕除去不淨大小便利乳哺長養將護我身以是義故我當報恩色養矣

常思傍句與三曜色養他將兩儀告面他

△三曜者日月星也△色養者論語曰子夏問孝孔子曰色難苞氏曰色難謂養望父母顏色乃為難文

△兩儀者天地陰陽也 △告面者禮記曰夫為人子者出必告返必面鄭氏注曰告面同耳反言面者行外來宜知親之顏色安否文

豈圖傍句 蒼天奪我親平 玉儀八月城平

△蒼天等者是逝去義述也 △玉儀者母喻玉母儀同也 △八月城者昇妻入月宮以來此方女人死八月城云也云

弟子傍句

履霜之感千爛我肝他 沐雨之悲百碎我心平

△履霜之感者禮記曰秋霜露既降君子履之必有心非其寒之謂也注曰感時思親矣

之悲者周易注曰皇甫邈人字永賢少喪父母以孝聞及遭母喪廬於墓南作一禪窟陰雨則穿窟則營基掛風沐雨形容枯頹郡縣異之文

訢蒼天無感逝水不還星霜改變諱日斯臨

△諱日者忌日也諱玉曰許貴切隱也忌也文

謹奉為先妣 奉寫大二昧耶理趣經講

演文義兼陳列大曼荼羅奉獻隨力珍供

仰願 △陳列等者衆僧羅列之義也其人皆時

三嶋大夫為亡息女書寫供養法華經講

說表白文

△三嶋者氏也一義三嶋者於日本有
四箇處伊與國津國越中國伊豆國也

今何不知也云

弟子正五位上三嶋真人助成

△真人者朝臣
云程事也一義

真人氏也文△助成名乘也

歸命二寶

夫 傍句

疏河女人平

因惡孕而生天上他

坐海丈夫平

發慈悲以成大覺他

△疏河女人者心地觀經云昔有女人遠遊他國抱
所生子渡疏伽河其水澤漲力不能前愛念母子

造以慈心善根力故即得上生也究竟天作木
主文因故諸外道不知因緣疏伽河投身生天意得
投身是名戒禁聚見也△坐海丈夫者經律異相云
佛因位時五百人商人坐海悲漂蕩舟菩薩弃命救
之矣又云釋迦如來因位時七生龍王身生百寶藏
與衆生故終成佛矣

然則 傍句

兼愛受樂之因平 大悲脫苦之本他

△兼愛者疏河再釋也△大悲者坐海再釋也

三世如去因之成道他 十方薩埵行之證滅他

△三世如去者上以成大覺再釋也如去如來也云

依淨不二鈔意從本有見緣起是如來從緣起見本
有是如去文△因之成道者以大悲萬行為因證成
等正覺之道果義也△行之證滅者以六度萬行
為因成真如寂滅之果義述也

因果相感他

宛如聲響他

業緣唱和平ワスルヲ

還均形影チトシキトケ上ニ

△因果等者此上
述因之成道義

也△業緣等者此上釋行之證滅也業者行業六度萬
行也緣者因緣即機根也能度所度唱和判形影也
生緣聚則春花之華不足譬其咲他
死業至則秋林之葉何得喻其悲平

△此段生死無常義釋也△生緣聚者五蘊十
入眼等五根也惣於一身生緣有三十六物也言人
間生是喻春華也△死業至者煩惱業苦三道空則
人間必死也此二憂喜二受也云

一生一死令人溺苦樂之水他

乍離乍沒幾許絕人間之腸平

△一生者樂受△一死者苦受也△乍離等者此舉
捨受一也如次喜憂苦樂捨之五受也

哀哉悲哉句伏惟發句今日法主三嶋真人氏

昔植良因平

今鍾善果他

氏是族姓他

人則珪璋他

△今日法主等者舉施主

之心性族姓廢美也 △法主者法事施主云心也

△昔植者過去因果也 △善果者現在果報也 △族

姓者刹利種姓也即可玉種姓也 △珪璋者美玉也

晉書曰顧榮小有珪璋符菜朗徹仕吳弱冠舉賢良

為黃門侍郎當時後進表相推謝稱榮有大才金莖

一心事百君平

四攝引群生他

△一心事百君者春

秋傳曰梁丘據問晏子曰子事三君々不同心而子

但從焉固多心乎對曰一心可以事百君百心不可

以事一君即知供奉朝廷不如此矣 △四攝者論語

曰文行忠信也文典籍義也行恭也忠事君也信朋

友交也

困發句

有一鐘愛女息表名

婦容具而至孝他

婦德備而醮人平

所冀傍句

保龜鶴之永歲他

遊椿桃之遐年平

△婦容等者此明息女存生德也 △婦容者柔和忍

辱貌 △婦德者貞潔義也 △醮人者婚祭禮備義也

四大毒虵忽闔心城平

五蘊惡鬼乍亂心府他

洗胃名醫針灸無驗他返魂妙香空林火無力

△此明息女別離哀慟也△洗胃名醫者時務策曰扁鵲換心華他洗胃矣後漢書傳七十二曰華他字元他曉養性之術年且百歲而猶有壯容時人以爲仙針灸不過數處若疾結於內針藥不能及者令先必酒服沸散既醉無所覺因刺破腹背抽割積聚若在腸胃則斷截湔洗除去疾穢既而縫合傳以神膏四五日創愈一月之間皆平復矣△針灸者九治病有八種謂如散九酒針灸咒禁是也於此中舉針灸二也△返魂妙香者東方朔十洲記曰東海中州之中有樹取其汁以五金煎之爲香人死亡三日燒香薰其鼻便活亦名返魂香矣如此名醫無驗妙香無力用云義也

遂乃傍句

去年七月十七日

露珠翻荷上他

霜鐘散枝下他

△露珠者明無常義也露者有漏無常露身翻得菩提心如意珠金剛體坐荷上云意也△霜鐘者霜草木枯故人葬送野邊名霜野也鐘付字豐領鐘之意也又葬送鐘也△散枝下者鐘響白楊之下云意也

紗窓朝鏡他

忽失照覽之影他

羅帳夕燈平

空餘燒心之焰平

△紗窓者王曰紗所加切紗穀也矣此極薄衣也以之張窓障子今文紗云是也△朝鏡者女人每朝見

鏡此則女禮也△羅帳者以薄絹幌事也亡者哀故失影云也

嗚呼哀哉嗚呼哀哉

雖云傍句

千空生死之夢

萬觀陽炎之假

天性之悲易感他

鐘愛之哀難抑平

△陽炎者涅槃經云渴鹿逐炎反弘決第一云渴鹿逐炎者熱空塵三因緣故而生於炎渴因緣故謂之為水內有癡愛外加欲境因緣力故起於欲想九夫不了為之輪迴矣大日經疏十喻中舉夢陽炎二種顯有為無常義也

雖傍句

朝夕流淚他

日夜含慟平

無益亡魂

是故傍句

為濟亡兒梵靈謹奉寫金字妙法蓮華經

一部般若心經一卷兼延五十八法侶講宣

妙經奧義

△奧義者此正為亡魂之吊舉朝晝夜法事儀式也

仰願傍句

就島峯海會釋迦尊平多寶分身三世佛他

開示悟入一乘經平 普賢文殊觀音等他

舍利迦葉同聞眾他 天龍八部五類天平

△仰願已下、回向釋也於此中舉三寶也 △釋迦○
三世佛者佛者佛寶也 △開示悟入者法寶也謂此
此光光發心修行菩提涅槃也 △普賢文殊等者僧
寶也 △舍利者舍利弗也此翻鷲子 △迦葉者此龜
氏翻 △天者三界諸天也 △龍者內海外海龍王也
△八部者如常 △五類天者地水火風空等天也
還念本誓利生願哀愍加護證明知見

講演佛經報四恩德表白

△是大師為法界四恩供養三寶表白也

弟子某甲 發句 歸命法界三昧之薄伽梵

竭財金剛等至之契線 △弟子某甲者大師
御自稱也 △金剛等

至之契線者秘密經典也疏十六云等至者猶過去
一切諸如來皆乘此道至成正覺如過去未來現在
一切如來亦復如是皆從此道乘此方便而成正覺
故云等至也如三世佛至成正覺我亦如是如我今
乘此道而至道場一切佛亦如是佛佛皆等本末究
竟悉等故云等至也 ○令內心所觀與外事所布內
外平等無有差別故各等至三昧也 文淨不二鈔
云等至者釋三昧名字謂等齊等均等至者至到至
會謂三世諸佛乃至今日毘盧遮那世尊佛佛道同

等至此正覺位故云等至又本末等者未是緣起本
是本有本末二法同是大空毘盧遮那法身體是一
切智智正覺所心性華臺佛自受用身又名加持所
前以理為本後以智為本末者三種世間性相此三
種雖異同是萬德莊嚴法性身故云等至又秘密曼
荼羅與外事緣壇內外雖殊俱無差別故名等至九
等至義無量無邊如此極深源法故云入等至三昧
也矣△契線者經也秘鍵云次二以貫線攝持為名
次二者者此乃之二字也

仰于填刻檀之誠尚精進剥皮之信他

△于填刻檀者于填王以栴檀造釋迦像也毘首羯
磨作也初利天安居終歸祇苑精舍其時持地菩薩
金銀水精三橋渡佛言栴檀像未伐衆生可利益故

先立渡云增一阿含經云優顛王用牛頭栴檀雕佛
形像高五尺此為始也西域記第五曰橋賞彌國
彌國物也○城內故宮中有大精舍○有刻檀佛像
郵衍那王優填王出愛也之所作靈相間起神光照
耀○初如來成正覺已上昇天宮為母說法三月不
還其王思慕願圖形像乃請尊者沒時伽羅子以神
通力接二人上天宮親觀妙相彫刻栴檀如來自天
還也刻檀之像赴迎世尊世尊慰曰教化勞耶開導
未世寔此為真矣△精進剥皮者悲華經說取釋尊
因位時為功德力王剥皮拔兩目為檀施與尼捷子
其心勇捷精進故云精進寶鑰注云以樂法剥皮
為精進剥皮云已上釋尊因位号精進證也智論四
十九云如釋迦文佛本為菩薩時名曰樂法時世無
佛不聞善語四方求法精勤不懈了不能得尔時魔

變作婆羅門而語之言我有佛所說一偈汝能以皮
為紙以骨為筆以血為墨書寫此偈當以與汝樂法
即時自念我世世身無數不得是利即自剥皮曝
之令乾欲書其為魔便減身是時佛知其至心即從
下方踊出為說深法
即得無生忍文矣

奉造五十五之大曼荼羅如來平

書寫十一部之達磨曼荼羅他

洗身垢於鏤字大悲乳水他

蕩心塵於訶字大願力風平

△奉造○曼荼羅者舉佛寶法寶二種謂如來佛寶
也達磨法寶也△洗身○大願力風者此於僧寶上
明覺觀得脫之義也△大悲乳水者此舉五輪中水
輪之德也△大願力者淨菩提心也大日經義釋云
孔字是因義文所謂因者即是菩提心也又云訶字
菩提心中具足一切如來力用○風自在旋轉故名
大力也文以此等意大願力可心得也云

薰五分妙香於法界宮殿他

飛一覺虹幡於圓寂高嶽他

覆報恩雲乎無邊際他 嚴妙法符乎有情界他

△薰五分○高嶽者當時堂莊嚴體判歟此句風大

之功用釋歟△五分者戒定惠等也△一覺者一如覺也△虹幡者幡翻似虹一義云一覺者訶字是菩提幡種也△又云淨菩提心是成佛直因正法幢旗之種子也△虹幡者菩提心幡旗也△圓寂者此高峯觀三昧也疏云虛空畢竟清淨無所不有即是高峯知境界文高峯即涅槃義也一義云幡者表三十七菩提分法四念住四正斷四神足五根五力七等覺支八正道支也△報恩雲者法華密雲弥布等意釋也△妙法筏者妙法摠指一切經別法華也何運載義也△艤魚倚切整舟向岸也

撞鯨鐘

平

震法鼓

他

振響矣注曰法鼓鐘也琅聲也文楞嚴經云食辦擊鼓衆集撞鐘若說法時擊鼓文選第一曰發鯨魚

△鯨鐘法鼓事文選天台山賦曰法琅以

鏗華鐘矣注曰天子出則撞黃鐘海內有鯨魚海畔有蒲牢歟鯨魚每擊此歟輒大叫故為鐘者鑄蒲牢於鐘上刻撞為鯨魚形而擊之取其相感而鳴發擊也鏗擊也一義云撞鯨者天竺王名栴檀毘臚吒此王日夜食羽毛鱗之類無量依之命終生海中成一千頭之大魚是鯨也每夜三度從虛空降刀劍大魚千頭碎死生無限也太子即位時請馬鳴菩薩延佛事時菩薩以神通海中行降刀劍左手持之以右手拳打之時刀劍變成鳴鐘時菩薩唱曰一打鐘聲當願衆生脫三界若必得成佛矣依此響上有頂下無間闡大魚成佛也鯨鐘云義此由也△法鼓者佛說法云天鼓雷音此義也云

大因大緣者

夫發句

生也非我願

無明之父生我

死也非我欲

因業之鬼殺我

△大因大緣者者此因緣舉無窮義也疏釋因是法界緣是法界因緣所生法亦是法界文△夫生也非我願○因業之鬼殺我者示生死之因緣也云△無明者根本無明也釋論云能動能起根本無明隨動隨起即是業識文業識即生相感也△因業者起業果報感品即滅相業果也舉生滅二兼住異二相摠人畜異皆依四相遷反也△非我願者此流轉成妄生死海沉輪姿也△非我欲者一切九夫厭死欣生異我欲因業極自心感鬼殺已身也

生是非樂衆苦所聚

死亦不喜諸憂乍逼

生如昨日他

霜鬢忽催平

強壯今朝

病死明夕他

樂衆生思生樂思死苦也聖者思非生樂爲死樂也△非樂聖者見也△不喜九夫思也喜受至極日樂受憂受窮極日苦受也△生如○明夕者此舉生老病死四苦釋八苦趣也△生如昨日者生苦也△霜鬢忽催者老苦△強壯等病死二苦也

徒恃秋葉待風之命他空養朝露俟日之形

法苑珠林卷第八

此身脆如泡沫モロキ他

吾命假如夢幻カノ命平

無常之風ムジョウノカゼ他

忽扇四大瓦解クニアワケル他

閻魔之使エニマノツカシ他

乍來六親誰憑チニシクハク平

△徒恃○俟日之形者此世間人忌有為無常賀思
千秋萬歲判也△此身○誰憑者此舉泡沫夢幻四
觀此身業風吹碎四大閻魔之使來時唯憑方自佛
法外無之義判給也云△六親者律中云一父二母
三凡四弟五妻六子孟蘭疏云六親者父母兄弟夫
婦文或云男女不取兄弟文
朝々夜々勞衣食之奴アサトクヨナクラウシキノヤツロニ平

歲々月月繫恩愛之繩トシトシキクツキカケル平

心肝爛離父離母之哭ココロハミタレ他

涕淚溢喪偶喪子之悲ナドイロイイジツリウニヒシクウツ平

地獄猛炎發殺生之業テイロルイイジツリウニヒシクウツ平

餓鬼醜形生慳貪之罪ウツクキキチノス他

△朝々○恩愛之繩者此世人忘苦器之
因業舉衣食恩愛之道沉也是現在之營也△心肝
○喪子之悲者明父母妻子別離之淚也△偶者吾
苟切合也相人也相人妻女歟△地獄○慳貪之罪
者舉地獄餓鬼明若果之體兼畜生也

死此生彼他

生死之獄難出他

作人作鬼他

病苦之怨易招他

△死此○易招者人與鬼神舉兼天趣等△作人者凡人趣有四四州之人民是也△作鬼者舉羅刹羅刹可畏鬼形故也已上舉六趣苦果之體也云

悲哉悲哉三界之子 苦哉苦哉六道之客

自非傍自

善知識善誘之力他 大導師大慈之功平

何能傍自

破流轉之業輪平 登常住之佛果他

△悲哉○常住之佛果者出過三界六道必自非佛菩薩力難成佛得脫義判也

又夫傍自 此身

非從虛空化生上平 非從大地變現上他

必資四恩之德他 保是五陰之體他

△自又夫○至五陰之體釋四恩起因釋相明白也云△五陰者新譯也舊譯五蘊也五陰色受相行識也

所謂四恩者一父母二國王三衆生四三寶

生我育我他 父母之恩平

高於高天平 厚於厚地他

粉身換命他 何却得報他 △自所謂四恩者○至是名僧

寶此一段分爲二十一表名摠釋二別釋也一表名摠釋者所謂○三寶是別釋者於此中有五釋四四恩第五合釋也隨文可分別之△第一自生我○至何却得報釋父母恩也△高天厚地者下從風輪際上至須弥頂可意得也云

雖云父母生我若無國王

強弱相戰他 貴賤劫奪他

身命難保子 財寶何守子

安萬生之室宅他 與四海之康哉平

封其官邑他 授其爵祿他

爲現世之顯榮平 流後葉之美聲平

國主之力只能使然△第二明國王恩也自雖云父母○至能使然也

△無國王者若無國王者強弱相爭以國領不定無
絕亂載故萬民憂無限也故天下法度可有一人者
△官邑者官百官也邑所領領地也凡於封尸有
村里邑縣之不同也△爵祿者爵隨勲功授官也
謂公侯伯子男是官爵也此五官從周代始也又祿
者金銀等類也△顯榮○美聲者孝經曰夫然故生
則親安之祭則鬼享之文又云是以行成於內而名
立於後世矣注曰所謂行成於內而名立於後世文
能使然者已上國
王之恩結釋也云

衆生於我有何恩德吾是從無始已來六道
之中爲父爲子何生不受他何趣不生乎

若以惠眼觀之一切衆生皆是我親

是故傍句經云一切男子是我父一切女人

是我母一切衆生皆是吾二親師君

所以傍句衆生之恩亦須報酬

△第三釋衆生恩也自衆生於我○須報酬至也於
此中有三分別一問答意謂衆生○恩德者問也吾
是從無始已下答說也二引證釋經云已下是也三
結釋須報酬是也△爲父爲子○趣不生者此意一
代如來八千度間或生天或生人間或生畜或成父
母妻子等也又人間輪迴無窮故亦如是法華云智

積菩薩言我見釋迦如來於無量劫難行苦行積功
累德求菩薩道又當知一切衆皆佛親族也又菩提
心論云一切衆
生猶如已身文

世間父母但育一期肉身國王恩德亦助九
身若能斷生死之苦與涅槃之樂三寶之德
不可思議言三寶者一佛寶二法寶三僧
寶佛寶則具一切智智示衆生之正路法寶
則具難思功德能令持者與世出世之樂佛

之與法雖有如是功德若無僧寶不得流通言
僧者有菩薩聲聞等別若菩薩若聲聞不論
凡聖不簡持破誦傳經論授人智惠者皆是
名僧寶
△第四明三寶恩於此中有三一兼來釋
二表名釋三別釋也△初兼來者自世間
父母○至不可思議也二表名者自三寶○至僧寶也
三別釋者自佛法則○至是名僧寶也△佛寶者指
三世十方如來也△正路者正覺之佛道也道有無
邊道何莫非成正覺之徑路云△法寶者可攝三世
諸佛說法並菩薩聖衆諸論也一一佛一一菩薩之
說法皆說顯密難思功德也去者雖有世間佛寶法

寶若無僧寶難流布世間故僧寶肝要也菩薩地位有九聖差別十地云聖位三賢十信各九位於聲聞衆有大小顯密不同也於菩薩形相有俗形剃髮之不同也於聲聞衆亦皆不可剃髮而有俗形也為言△持破者持戒破戒二也於持戒中有四種菩薩五百戒持聲聞二百五十戒沙弥十戒等也△破戒者於破戒有二一慈悲破戒二妄念破戒也又經文釋義中有折伏攝受二門折伏門前取持戒捨破戒也攝取門前取微少善不捨破戒也今盡一切九聖僧寶故以攝取門判也

風聞傍句

三世如來平

十方菩薩他

報四恩德他

悉證菩提平

是故傍句

奉為四恩敬造某甲佛等敬寫某甲經若干

兼發普賢大士菩提行願心觀音慈氏大悲心

今日今辰平

拂洒荒穢之山亭他鋪肆經王之妙筵平

驚覺法界諸尊平延囑羅漢龍象他

講宣其深之奧秘他 供養諸尊之妙典他

△風聞已下回向詞也於此中有四一舉證明三世如來等也二舉所作善自是故奉為○至經若于也三開發起自兼發普賢○至大悲心也普賢觀音除勒三菩薩如次佛寶法寶上首也四演法筵致莊嚴回向等文分明也△羅漢者有三翻名殺賊不生應供也△龍象者名高德僧也

●為先師講釋梵網經表白

△先師者石淵勤操僧正也大師最初之御師範也故大師形狀略頌曰出家延曆十二年年滿二十師勤操文梵網者戒本宗要云梵者極淨之義網攝有情之義也文

維コ天長五稔レ孟夏之十二日ヒ惟丁卯テ曜惟那ハ

頤キ返ク真法將僧正ウ鄔波馱野ヤ法化某乙ヲ

△五稔者五年也△孟夏者四月也△返真者歸真同入滅義也△那頤者日曜又金曜△鄔波馱野者新譯梵語舊譯和尚也翻名親教也△法將者法大將也△僧正者自正正人文△某乙者大師御事也

髮カ侵肌カ他ヲ 甲ツ削ケ膚ハ平ニ △髮侵等者菩提場一字頂輪王儀軌云

清淨持誦者不應長入髮在家淨行人髮長不為ヒ遊ヒ甲長停垢穢頭髮生蟻虱能生罪愆矣

洗アラ情塵於本淨水ニ他ヲ 焚タ信香ヲ於法界ノ爐ノ平ニ

△情塵者有情所迷境也 △本淨水者心水也是本
淨尸羅之戒水也 △信香者僧史略云經中長者請
佛宿夜登樓手秉香爐以達信心明日食時佛即來
至故知香為信心之便也 矣香無所不遍義故法界
即香爐也云

燃惠燈乎一如室 他

散覺華乎三點堂 平

歸命臺上之大日 他

投身樹下之能仁 平

△惠燈者智惠也 △一如者理也即理智不二義也
△三點者法身般若解脫也梵網經曰我今盧遮那
周遮千華上復現千釋迦一華百億國一國一釋迦
各坐菩提樹一時成正覺文 △臺上者盧遮那佛
△樹下者樹下葉中釋迦也

敢告訢乎心疾

仰願 傍句

慈悲三尊 平

有靈證明 平

風聞 傍句

△心疾者煩惱業苦疾也 △三尊者臺
上葉上葉中也又孟蘭盆疏云供三尊
同記云三尊名三寶並世所尊矣

無情杞梓猶有父子之禮 他

無智鳥獺亦懷親恩之孝 他

何況 傍句

△杞梓者左傳曰南山有木此謂杞梓仰
而生是似父儀又有木謂梓伏生是謂

表子禮矣此為本據也

天地之尤靈平

含氣之最貴他

誰忘父母之恩平

何忘師僧之德他

經中佛說有恩處有其四種父母國王眾生三

寶平 △天地○最貴者天地人之三才萬物中以人

△誰忘○師僧之德者言無意祀梓烏獺知恩人倫

等者四恩
惣釋也

父母則生我哺我之功過於厚地他

國王則安我貴我之德逾於高天平

衆生則三世達親皆是孝妃三寶者佛法僧

也 △已上父母國王衆生三恩判也 △達親者財施

佛能開我生盲平 導示險夷平

法能浚我甘露他 除去熱惱他

僧寶之中有二種菩薩聖僧

以四攝引我迷平 以四量醒我醉他

現前師僧之德四恩之中尤高尤深

△生盲者大集經云有菩薩名生盲佛說開生盲藥力并神咒生盲菩薩乍開眼目速疾證菩提也文
△險夷者險名賢聖夷凡夫也云△熱惱者煩惱熱惱也又地獄也△僧寶中者於此中先舉過去菩薩聖僧也△現前師僧德已下舉直師高恩也

何者傍句

父母之恩平

唯養一生之肉身平

國王之德他

亦安一世之九體他

三寶雖遍法界而都無見聞

所以

知四恩之所在他

識三寶之可歸平

得現前之安樂他

證後世之菩薩平

者皆是現前師僧之功也

是故傍句

△自何者父母之恩○至都無見聞舉現師德重釋也△自所以知四恩○至僧之功也此舉現前師德重也謂得現世安樂證後世菩提事現

師高恩也云

斷臂仰不生之觀平

投身渴寂滅之偈他

良有以也

△自是故斷臂○至良有以也為佛法捨身命舉證人△斷臂者達磨弟子惠

可禪師為法切臂也其時達磨授四卷楞伽云△不生之觀者佛祖不傳面目也△寂滅之偈者雪山童子事也如上注

伏惟

傍句

先師德下

人形佛心平

允色聖神平

智惠懷胸照世之德宛如日月他

慈悲涌心濟人之功還同船筏他

群品之耶孃丁人之歸憑

况復傍句覆我如天平載我如地

撫我若孃平提我如父他

潤吾似雨他照我似燈平

△自伏惟先師德下○至照我似燈此一段述先師德行於中有二初明三界為父母次述蒙大師先師養育初自先師至歸憑也次况復已下文相分明也何養育之文也云

誰圖

傍句

一朝天忽顛

平

及地忽裂

他

一夜燈乍滅

平

一旦河忽涸

他

悲哉悲哉平

痛乎痛乎平

日月忽落

他

世間乍暗

他

自誰圖一朝天○至何

辰得見迹愛別之苦於此中有八一迷依先師入滅
為天下涼暗也此摠貴人高德之人死云涼暗也
△一朝天○忽裂者天者上諸天善神始下至堅牢
地神六方震動含哀色現事也△一旦河者黃河也
此河明王出世必澄也明
王崩御河忽涸事三年也

舟筏忽沒

衆生無極

法華座上釋迦倏匿跡

他

三論堂中龍猛忽滅影

他

△自舟筏○至滅影也二捨能化濟度之
方便行他方判也問云佛於涅槃會坐入滅何法華
座上判乎答佛實說涅槃經畢入滅雖然法華涅槃
同醍醐味故如是御釋也云私云法華之坐上說涅槃
歟法華涅槃云故△三論者中論百論十二門論
是也百論提婆菩薩造中論十二門論龍猛造也依
之三論宗建立也

四魔未除法將乍陰

他

三界未盡法幢倏摧

平

△三明僧正早世釋迦濟度滿足涅槃入今僧正四
魔未除三界之衆生未盡度早世事歎也

經行階頭苔生無跡他坐卧席中塵暗誰拂

簾月為誰流光平 苑華為誰染色他

松風每聽爛肝 竹籟觸目絕腸平

△四舉僧正舊跡也 △經行階者僧正經年月行步
階也 △塵暗者是先師座卧床人恐不出入也 △竹
籟者在
上
吹竹風也

天上天下之中平 何處更謁他

世出世間之裏他 何刹遊化

若歸多寶塔中耶 當還鷲峰窟裏耶

△五舉先師他界之事也 △塔中者寂光土也 △鷲
峰者同居土也 △窟裏者巖岫義也

一乘妙法何方演說 三身歸命向誰吐響他

△六明他界之說法一乘等是也

迦陵哀音平 而今而今欲聽他

△七先師之御說法耳留今如聽聞也云

馬王威儀平 何辰何辰得見他

△六舉先師之顏色再不見也 △馬王等也馬王佛也云已上變別○釋畢

哀哉哀哉平

悲哉悲哉弟子等

歎雲涌胸平

悲雨灑面他

迷日月之過流平

忘忌日之速臨他

今僅為下傍句

報岡極之恩澤平

答昊天之神德海他

△已上舉御弟等之愁歎也

謹奉寫梵網之妙經講演了義之奧旨

仰願傍句 蓮華臺上盧舍那如來千百億國

釋迦尊與四心地法門眷屬十方塵刹一切

賢聖眾也△四心地等者同經下卷說云也

△一切賢聖眾者終南山至相寺智嚴釋云賢聖者

順理名賢得理是聖在物先知亦知亦為眾情所識故各知識文此心也

●有人為先身修法事願文

法苑珠林卷第八

三十一

如來調御已示化滅他悲想長壽豈有長存平

△如來調御者十号中舉二名也調御強剛難化機根調令引入佛道義也△化滅者化化度義滅雙林入滅也非相者俱舍頌疏云無色壽量從下如次二四八萬劫謂空處二萬劫也識處四萬劫也悲想非非想八萬大劫也文

有始有終平生者有死他合會有離良以有也平

△有始等者舉八苦之體文相分明也

先舅某氏表名春秋稍高平與終者壽他

△先舅○者壽者明二期之事也△耆壽者九十歲之名也云一義六十日耆文日本記私記曰耆宿布

流於岐奈文

誰圖傍句此界緣盡他男女孤露他

痛當奈何平痛當奈何平

夫傍句生死長夜他假惠日以照朗平

衆生無歸平依救世而得酬平

△男女孤露者子離父母義也一義男女共生時死時孤也云△夫生死○得酬者長夜與衆生所度之庄界惠日與救世能度之佛身也△救世者悲願義也

伏願傍句

迦陀種覺濡足本誓他觀音勇猛接手悲願

△種覺者阿迦陀轉法輪尊主故云種覺云一義成

一切種智之覺位故云種覺云△濡足本誓者御足

濡生死之大海示現娑婆極重惡人攝化義也云

△勇猛者得大勢至菩薩也即迦陀觀音勢至三尊也

橋艤八難之河 化生八德之蓮

△八難者俱舍曰一、地獄二、餓鬼三、畜生四、北洲五

無相天六、佛前佛後七、智世辨聰八、生盲瘖瘂也

△八德之蓮者俱舍云一、堪二、冷三、爽四、輕五、清淨

六、不寘七、飲時不損喉八、飲不傷腹矣

聽若空以開心蓮 覩山毫而入無生

廣及含靈 同遊覺道

△若空者苦空無我等十六行相中

始二舉也 △山毫者佛之眉間白毫也

△和尚者大師之御自稱也

和尚奉為祈皇帝轉讀大般若經願文

作過者也暗他 為福者也明平

明暗不徧平 一強一弱他

強弱非他他 我心能為平

覺智強則萬德圓平 愚迷弱則千殃侵他

能為白淨他

何讀經為平

不知此義他

自他俱勞平

能覺此趣平

我師種智他者也送句

伏惟發句

我皇帝陛下表名

定惠攝體他

智悲薰平

濡足五濁

授手四生平

△白淨者白淨信心菩提心也 △我師種智者指釋迦也 △五濁者瑜伽論曰一者壽濁二者有情濁三

者煩惱濁四者見濁五者劫濁如於今時人壽短促極長壽者不過百年昔時不尔是名壽濁 △如於今時有情多分不識父母不識沙門波羅門不識家長可尊敬者作義利者作所作者於今世罪及後世罪不見怖畏不修惠施不作福業不受齊法不受淨戒昔時不尔是名有情濁 如於今時有情多分習非法貪不平等貪執持刀劍執持器械鬪諍競多行誑詐詐偽妄語攝受邪法有無量種惡不善現可了知昔時不尔是名煩惱濁如於今時有情多分為壞正法為滅正法建立衆多像似正法虛妄推求邪法邪義以為先故昔時不尔是名見濁 如於今時漸次趣入飢饉中劫現有衆多飢饉可得漸次趣入疫病中劫現有衆多疫病可得漸次趣入刀兵中劫現有衆多互相殘害刀兵可得昔時不尔是名劫濁矣

三界之耶平

萬方之孃平

堯子不肖平

釋兒狂狼平

△堯子不肖者史記曰帝堯放

勲其仁如天其化如神堯子丹朱不肖不足授天下
△釋兒狂狼者善星比丘之事也是佛教化不隨
信外道之法也女贊第一云經云佛有三子一善星
二優婆摩耶三羅睺羅文

元元罪深平

早疫為瘡他

愍此險炭他

屈尊接佛他

洗心為香平

恭體為華平

△元元者民也△早疫為瘡者早々魁疫々瘡也云
△險炭者燒菩提心種子無還源之想云險炭也

△屈尊以下正祈念之詞也文選曰乱世之民如陷
泥塗陷火炭也文△洗心為香者持戒精進義也

百僧剋念轉讀大般若經觀念三解脫門

△剋念者千字文曰剋念文△三解脫門者空解脫
門無相解脫門無願解脫門也般若理趣分云一切
法空無自性故一切無相離衆相故一切無願無所
願故文矣

仰願傍句

空空一字蕩吾民之業他

智智二理茂吾君之福他

△空空一字者獨空
畢竟空一字也△智

智二理者正體後得二智也理隨能證所證名也二

理決斷決了義也

不勞石舞他

其澤汎溢他

不用柳枝平

毒氣殄滅他

△石舞者燕石事也 △柳枝者手經云若為種種病者當持揚柳

手文灌頂經云昔維那黎城民遭疫者一少年比丘名禪提奉佛教持摩訶神咒往為辟之疫皆愈其禪提住彼國北九年民安至其遷化民復遭疫民思禪提遂往其住處但見所嚼齒木成林林下有泉民酌其水折楊枝歸拂洒疫者皆愈毒氣消亡辟除眾惡萬事吉祥也矣

上無為而尊平

下無事而安平

五類之天平

八道之神平

△八道之神者文選第四

其泉賦曰八神奔而警蹕注云八神八方之神也今其天子警蹕言八神之眾皆軍服而從又云於日本可五畿七道謂五畿內者山城大和河內和泉攝津是為一道東海道伊賀等十五箇國東山道美濃近江等八箇國北陸道若狹等七箇國山陰道丹波丹後等八箇國山陽道播磨等八箇國南海道紀伊淡路等六箇國西海道筑前等十二箇國云余者可日本諸神

同沐法水共登覺道

有人為亡親修法事願文

聞夫

發句

牟尼善逝開六行於娑婆同利

三根之客也

△六行者八相記曰太子涉行至跋

便下馬撫背而言所為難事汝作已畢○余時太子即便前至跋伽仙人所住之處○觀察彼諸仙人之行或有以草而為衣者乃至或有於水火之側太子既見如此苦行即便問跋伽仙人答言修此苦行為欲生天太子思惟此諸仙雖修苦行非皆是解脫真正道我今不應止住於此余時太子即便前至阿邏仙人處○太子○答言聞汝言為我說斷生老病死法太子即問曰我已知汝之所說生死根本何方使而能斷之仙人答言若欲斷此生死本者先當出家修治戒行語早忍辱住閑處○遠朗慈惡等不善法

○太子問仙人言汝年至幾○修梵行來一百四年也太子聞○為求勝位即從坐起○於迦闍仙苦行中是則憍陳如等五人所止住處也尋於尼連河邊側靜坐思惟修於苦行或日食一麻或日食一米或後二日乃至七日食一麻米○太子心自念言修於苦行苦滿六年不得解脫故知非道矣△善逝者十号隨一也△六行者六度修行也△三根者聲緣苦也一義法說譬說因緣說之三根也△娑婆翻有為△客假依身呼詞也

藥師如來發十二於嚴城悉引四部之類

△十二者藥師十二大願也本願藥師經云第一自身光明熾然照耀○三十二相八十隨好莊嚴其身令一切有情如我無異願第二身如瑠璃內外明徹

無假穢○幽冥眾生悉蒙闍曉隨意所趣作諸事願
第三令諸有情皆得無盡所受用物莫令眾生有所
乏少願第四若諸眾生行邪道者○背以大乘而安
立之願第五若有無量無邊有情○具三聚戒設有
毀犯聞我名已還得清淨不墮惡趣願第六若諸有
情其身下劣諸根不具醜陋頑愚盲聾瘖瘂癡狂
癩癩癩狂種種病若聞我名已一切皆得端正點
惠諸根完具無諸疾病願第七若諸有情眾病逼切
無救無歸無醫無藥無親無家貧窮多苦我之名号
一經其耳眾病悉除身心安樂家屬資具悉皆豐足
乃至證得無上菩提願第八若有女人為女百惡之
所逼惱極生厭離願捨女身聞我名已一切皆得轉
女成男具丈夫相乃至證得無上菩提願第九若
墮種種惡見稠林當引攝置於正見漸令修習諸善

發行速證無上菩提願第十若諸有情縛銀鞭撻
繫閉牢獄○悲愁煎迫身心受苦若聞我名以我福
德威神力故皆得解脫一切憂苦願第十一若諸
有情飢渴所惱為求食故造諸惡業得聞我名專念
受持我當以上妙飲食飽足其身後以法味畢竟安
樂而建立願第十二若有情貧無衣服蚊虻寒熱
晝夜逼惱若聞我名受持如其所好即得種種上妙
衣服皆令滿足願矣△嚴城者藥師之淨土莊嚴城
也一義嚴城者此釋迦說藥師本願會場名廣嚴城
也是非藥師之淨土也云

明知傍句

攝引之力逐物多端平將導之化隨類殊門

藥師本願會

卷之二

爾乃傍句

出火宅之寶車平

入淨土之妙門平

良不由如此真典也

但傍句

△明知攝引等者此舉法華開示悟入之四字也謂明開知示攝悟引入字也此四字判遂物多端也△將導者釋迦也△隨類殊門者大日經疏曰所現諸善知識各引無量當機衆同入法界曼荼羅之意也△火宅○真典也者此法華一乘真典也法華云三界無安猶如火宅支△典法也經也

秋黃葉繽紛他

終無返枝之期平

夏蓮華萎女落他

豈有託臺之期平

此知傍句難會易別者慈親之芳儀平

易去難留者恩愛之香中平

△自秋黃○至香中舉有為無常也△黃葉○臺之期者此判飛華落葉之無常也△此知○香中者此舉愛別之無常也言生者必滅會者定離如來之金言也安此意貴賤同往賢愚共陰自古以來誰免死何忘無常理妄情有為之身乎不知念念生滅臨死期初敬為迷情念余耳

以是發句

今日且主表名

為兼報四恩德次摧病患然得全身為
未來脫惡趣得解脫身寫大乘等莊嚴

道場

設純陀之妙供

開須達之寶藏

△以是今日且主○全身
者舉施主為現當二世報

四恩德自寫大乘○蓮臺之上迷亡者訪也△純陀
者涅槃經第二云○爾時會中有優婆塞是狗尸那城
工巧之子名曰純陀○唯願世尊○受我等最後供
養○斷除貧窮困苦○爾時世尊告純陀曰我今受
汝最後供養令汝具足檀波羅密○爾時純陀而說
偈言如來受我供歡喜無有量猶如伊蘭華出於梅

檀香我身如伊蘭如來受我供如出旃檀香是故我歡
喜文純陀翻解妙△須達寶藏者經律異相云須達
七貧後得食併奉佛僧倉庫自滿六長者須達七貧
後貧最處於旅中得一材并其實梅檀出市賣之得
米四升語婦曰並炊一升吾當索策時佛念曰當度
須達令福更生炊未熟舍利弗往婦見歡喜一升
米飯悉投著鉢中更炊一升目連復往亦歡喜與之
復炊一升迦葉往且復與之適有一升尋復炊熟如
來自往婦自念言間日之糧莫米已上二十一字有
降者今有是來如來躬領得無罪畢福生者哉一升
米飯盡施如來佛口咒願罪滅福生從今日始須達
尋歸恐其志便問曰如今如來及舍利弗目連迦葉
悉來求食當與不耶答曰當與福田難遭若未求者
是何為值遇婦言向四升米吾盡用施足夫大歡喜

飯餘有飯汁公姥共飲之須臾防半諸室珍寶倉庫
穀帛自然實歸如往時富須達踊躍知佛愍念更請
佛及僧供養盡空佛為說法皆得道迹矣
△須達此翻善施矣
出雜譬喻經已上大法

供養一切二寶以此功德奉資為二所御靈
等 阿弥陀如來 示得道於六八之廣津平

觀世音大士 開攝化於九品之正路他

早遊極樂之刹他 今生蓮臺之上他云

且主樹罰之德等須達云云 △二所御靈者父母
也 △六八者弥陀四

十八願也云云 △廣津者乘弥陀願力渡眾生生死大海之義也 △自且主 ○至各令受之此且主可現世安穩事判給也 △樹罰之德者菩薩本行經云初時須達長者家貧惟煎蒙佛說身心清淨得阿那含道唯有五金錢一日持一錢施佛一錢施法一錢施僧一錢自食一錢作本日如是常有二錢終無有盡即受五戒慈心已斷婦女各各隨其所樂有一婦人妙穀作麩失火塵燒人畜波斯匿王勅限自今以去夜不得燃火及於燈燭其有犯者罰金千兩今時須達得道在家晝夜坐禪入定夜半鷄鳴燃燈坐禪伺捕得之提燈白王當輪罰須達白王今我貧窮無百錢產當用何輪王嘆勅使閉著獄中即將須達付獄執手四天王見初夜四天王來語須達言我與汝錢用輪王罰可得來出為四天王說法便去到中夜

天帝復來見之須達為說法竟帝釋便去到後夜梵
天復下見為說法梵天復去時王夜於觀上見獄上
火光時王明日即便遣人往語須達坐火被閱而無
慙著續後燃火須達答曰我不燃火若燃火者當有
煙灰復語須達初夜有四火中夜有一火倍大前火
後夜復有一火隨倍於前言不燃火為是何等須達
答言此非是火初夜四天王來見我中夜天帝來見
我後夜梵王來見我是天神上光明也焰非是火也
便聞是語即往白王聞王如是心驚毛豎王言此人
福德殊時乃介我全云何而毀辱之即勅使言從放
出去勿使替遲便放令去須達得出往至佛所禮佛
聽法矣秘云上來以支樹罰之義難知或一義云樹
罰者樹祇陀名祇樹也彼祇陀王信外道之法破正
法然須達信佛祇陀燒須達之寶藏七度也終不燒

以須達善根力如本八萬寶藏充滿後祇樹聞善根
正法因緣而發菩提心成佛云又云樹字多光ト云訓

西洞之九千命平

每人令招他

地倍之八萬壽他

各令受之平

△西洞之九千者漢武故事曰東郡獻短人帝啼東
方朔云至短人指朔謂上曰王母種桃三千歲一實
此兒不良已三偷之矣已上大注又西洞者西王母
之洞也所謂蓬萊方丈瀛州三山也三魚是也一山
三千年合九千也△地倍之八萬壽者免菌策辨天
地部云西越繞地一立注曰山海經海外西曰軒轅
之國壽者八百歲不教西射畏軒轅之立具立四地
相繞文或本地結八萬壽云今安倍字結字誤數萬

字百誤歟或一義伏儀云倍帝伏儀馳身人頭也依
之云馳倍歟而伏儀在位一百二十年彼先祖盤古
王在位八萬四千載故推功歸本云八萬壽歟

不入黃泉之九途

平

不掌琰魔之二使

他

△文選云朝發高堂上暮宿黃泉下注曰高堂生所
居黃泉死所葬文同第六注曰地有九重故云九泉
文五臣曰九泉幽暗之處經又三泉各分三泉故
九泉也黃者十字文曰天地玄黃云△燄魔之二使
者經律異相云琰羅王問罪人有三使一者老二若
病三者死若有衆生業行惡身壞命終應墮地獄王
問言汝是天使所答耶王曰汝見第一使者汝在人
中見頭白齒落目視朦朧皮緩肌皺偃脊拄杖呻吟
而行見此人罪人言見王曰汝我亦當

不罪人言我時放逸不自覺知王自今當令汝知放
逸苦非父母兄弟天帝先祖知識僮僕沙門等適汝
自作惡今當自受又問汝見第二使不汝本為人頗
見疾病困羸屎臭處身卧其上飲食須人百節酸疾
流淚呻吟不能語言不答曰見王問言何不自念往
翻如第一使又問覺第三使不頗見人死身壞命終
諸根求滅身體毗直猶如枯木拍棄冢間鳥獸所食
不答曰見往翻如前語已付獄卒有衆生三世作惡
經云遣五使問謂生老病死先身惡業今二使者
除死歟孟蘭盆疏記曰琰魔羅亦云閻羅具云閻羅
社此翻雙王兄及妹皆作地獄主兄作男事妹作女
事故云雙王或云苦樂並交故云雙文△二使者一
馬頭牛頭云△九途者指九界之迷情云一義五道
四生合云△二使者司命司祿也又生善生惡之二使歟

直向安養之寶刹他 必昇兜率之天宮平

●有人為先師修法事願文 △有人者誰人不決 先師者比丘尼見

夫發句

大海雖深平 羅睺之脚能極其底他

蘇迷雖大他 大士之手能擲他界他

△羅睺之脚極其底者大集經廿三云如大海中有羅睺羅阿修羅王亦有其餘衆生之類唯阿修羅能得其底餘則不得法界亦亦如來則得畢竟智惠聲聞不得文羅睺翻覆障也八部隨一也△蘇迷者須

弥同梵語也具云蘇迷盧共翻妙高也△大士之手能擲他界者法華經云若攝須弥擲置他方無數佛土亦未為難文維摩經云注不思議解脫菩薩取三千大千世界○著右掌中擲過恒沙世界之外其中衆生不覺不知已之所往又復還置本處都不使有往來想而此世界本相如故文是神通變化也

然則傍句

深海不足為深平 大山不足為重他

雖云傍句

三親之恩粉身難報他 嚴君之德殞命匹酬上平

然猶傍句

養四大之肉身平

榮一世之富貴他

至如傍句

照迷心以智燈平

長智身以法食他

拔三界之苦因平

與四德之樂果他

△法食者法喜
禪悅食之義也

大師之恩廣而無除他 大悲之德高而無頂他

則知傍句

易沐難報他 暫受永逸平

嚴師之功歟

伏惟傍句

故禪尼某甲表名

又植德本他

廣引眾迷平

形示柔儀平

業過丈夫他 △故禪尼
等者是先

師追膳次母追善修故有此等句歟
△業過丈夫者
作業如男子為言又先師比丘尼故有此文章歟
△德本者善根也
△柔儀者女德也

志均除撥之根微平 心似四波之縛底他

△除擬者彼天女於釋尊會座入定人天大會鐘鼓

聲無驚也。大日經疏第一云：如來秘密惠經云：○大目捷連。○見除擬天女去佛不遠，見入於三昧，便作是念：我聞此天女通達無量三昧門，我當觀之。今住何定也？又盡心力觀之，不測其心所行之處。聚集無量天鼓，一皆如須弥山王，以神力同時發聲，欲令出定而不能得。乃至佛言：我未發菩提心時，是天女已能住此三昧，即是無邊際義也。文諸佛要集經中：○文殊尸利到諸佛集會處，有一女人近彼佛座，入三昧。○文殊尸利即彈指覺之，而不可覺，以大聲喚亦不可覺，投手牽亦不可覺，又以神足動三千大千世界，猶亦不可覺。○有一菩薩名奇諸蓋，○即時彈指此女從三昧起。文殊師利白佛：以何因緣我動三千大千界不能令此女起？奇諸蓋一彈指便從三昧起。佛告文殊尸利：汝因此女人初發阿耨多羅三藐

三菩提意，是女人因奇諸蓋菩薩初發阿耨多羅三藐三菩提意，以是故汝不能令覺。奇諸蓋即除蓋障菩薩也。△四波者寶鑰云：四波定妃受適悅於法樂。文全真梵語云：妾梵心縛底反，妾々女稱也。云妾思人之義也。妾至日七接切接也。

每至 傍句 曉鐘振響 他 夕鼓吐音 平

△曉鐘 ○夕鼓者釋氏要覽云：五分云：諸比丘布薩衆不時集佛，言若打捷雅若打鼓吹貝，若食時擊者楞嚴經云：食辨擊鼓，衆集撞鐘。若說法時擊者，僧祇云：帝釋有三鼓，若善法堂說法打三鼓。文

念念為思人生非百年共營萬歲業

法苑珠林卷第八 四十五

業賊日聚陳四魔之軍イカサラ

命藤夜漸入死王之殃アツク

△業賊者天台止觀云除世間貪愛

破六種欲有人著赤白黃黑等色相貌端嚴或著威儀姿態或著語言嬌媚或著細滑肌體或著可意之人此六欲淵沉没行者能修九想除此六賊矣今云業賊是也△四魔者智度論第六云魔有四種一者煩惱魔二者陰魔三者死魔四他化自在天子魔△命藤者預修十王生七經云一身危脆似風燈二鼠侵欺齒井藤苦海不修橋筏渡欲須何物得超昇△死王者閻羅王也殃於良切凶咎也

雖然トモ傍句

深醉癡惑又醒悟無日他久覆無明還源無期平

自非朝鳥舉驩ミツハ春雷解蟄ライトクニ

何傍句敬馬長眠之子他昇大覺之岸キレニ

△朝鳥者日輪也日出破暗以喻衆生依佛日而破迷暗春雷發聲之時蟄虫出地者又喻衆生法雷響而驚生死眠也蟄直立切截也和集也蟄之虫多也

兼紹先師之貽テツカン

△先師之者先師遺跡也貽弋之切遺也

被修ル公家仁王講表白

唐矣三尊

平

耶孃六趣

他

△三尊者仁王般若能說教主

即是釋迦音賢文殊也於般若說時有五時一摩訶般若二金剛般若三天王問般若四光讚般若五仁王般若也仁王般若者如來成道北九年前已為我等大眾說諸部般若而後說仁王般若於此般若有新舊兩譯今顯密諸宗讀誦故舊譯經可意得也此仁王講發白故談萬法空寂之理也

構殿大虛之無際

他

建都妙空之不生

平

五眼高照

他

赫目之光非儔

平

四量普覆

他

發雲之暮何喻

平

△大虛者般若智慧之體也 △妙空之不生者經云入大寂靜妙三摩地 文此心也 △五眼四量如上 △赫目者日盛貌也 △發雲者法華云發慧垂布如可兼攬 文言五眼四無量智光照法界 一天赫日非儔發雲暮不為事也

吾子多病

他

醫藥不違

平

奇哉大哉

平

欲談舌卷

他

伏惟

發白

我皇帝陛下

表名

百億之六

他

一得之真

平

△吾子多病者經云眾生中尊世間之父一切眾生皆是吾子說 △醫藥者醫王如來也藥教藥也謂所治體多病故教藥無量也故具述不違云義也 △欲談舌卷者此不可說義也已上發

端也。△百億之一者，梵網經一華百億國一須弥一釋迦文百億須弥之內為世界王之義。△一得之真者，老子經云：天得一以清，地得一以寧，神得一以靈，谷得一以盈，萬物得一以生，王得一以為天下正。注曰：一元氣也。道之子也。文：一國必有一人，王此一得之真，定義也。

悲物濡足他

濟時申手他

切輸一物納隍他

常憂萬黎安堵他

△悲物等者，此夏禹王疏九河事，比當帝嘆德釋也。又一義為化度，故潤足於生死之淤泥義也。△輸一物者，一物隨獄事也。△納隍者，文選曰：人或不得其處，若已納之於隍。注曰：天子憂民之所病為除其災。

若不得其處，猶納已於隍池之中。△萬黎者，萬民義。△安堵者，四海靜無盜賊，不用垣墼義也。云云。

謹天長二年閏七月十九日於宮中及五畿七

道。△閏者，帝王作十二殿有十二月政事，自正月至十二月而閏月無殿於門下有政事故以王字置門中為閏。

設一百師子座他 延八百怖魔人他

一日兩時奉演仁王護國般若經他

△一百師子座者，釋此道場莊嚴義也。經云：百師子吼高座，前燃百燈，燒百和香，百種色華，以用供養。寶文又師子者，菩提心勇猛喻也。△怖魔者，僧寶也。名裝裝又比丘有五義其一也。又裝裝魔怖也。云云。

△一日兩時者經云一日二時講讀此經文

五忍開義他

忽寒各氣之霧

二諦審理他

乍聚休微之祥

△五忍者仁王經云伏忍上中下地前三信忍上中下三地順忍上中下六地無生忍上中下九地寂滅忍上下地十一△各氣者煩惱業也△二諦者真俗二諦也△休微者能微也又經求二不可得非謂二諦一亦不可得又此意也△祥吉祥也

揔此白業

奉資聖體

伏願

傍句

教令五忿平

揮輪劔而降魔怨他

自性十六他

麾惟寶而滋福壽他

△白業者善業也 △教令五忿者經云若未來世有諸國王受持三寶者我使五大菩薩往護其國一△金剛吼菩薩手持千寶相輪往護彼國二龍王吼菩薩手持金輪燈往護彼國三無畏十力吼菩薩手持金剛杵往護彼國四雷電吼菩薩手持千寶羅網往護彼國五無量力吼菩薩手持五千劔輪往護彼國 △揮輪劔者五大刀三形也 △自性十六者十六善神也般若擁護善神也 △惟寶者毛詩曰稼穡惟寶代食維好云略注自性十六者十六大菩薩云

洪祚永永他

哈芥石於猶短他

玉體堅密他

咲金剛手易滅他

△洪祚者謂帝王寶祚，除洪廣求哈芥石，却量猶短也。△芥石者芥芥子，却石盤石，却也。△堅密者玉體堅固，寂靜，長久義，質判也。△祚，保也。△堅，固也。△密，靜也。

十善之風平

扇四天以不鳴條平

萬民之廩他

貯九年以不拾遺他

△十善之風，○不鳴條者，塹鐵論曰：周公時，天下太平，風不鳴條，雨不破塊。李嶠兩詩注曰：黃帝時五日一風，風不鳴條，十日一雨，雨不破塊。△貯九年，

者臣軌下曰：賈子曰：上古之代，務在勸農，故三年耕而餘一年之蓄，九年耕而餘三年之蓄，三十年耕而人有十年之蓄，故堯水九年湯旱七載，野無青草而人無飢色者，誠有此備也。△在此勸新書曰：禹有十年蓄，故免九年之水，湯有十年之蓄，故勝七歲之旱，蓄積者天下之命也。△不拾遺者，道落物人無取云。△四天者，四海之事也。

忘其帝力他

悟其垂拱平

上福七廟他

益彼三明平

△忘其帝力者，世說曰：堯時八十老人擊土塊於路，觀者歎曰：大哉堯之為君，老人曰：吾鑿井而飲，耕而食，帝何力於我哉。△垂拱者，如上注。△七廟者，禮

記曰天子七廟三昭三穆與大祖之廟而七文注曰
此周制也七者大祖及文王武王之祧與親四也
云大祖文王康王昭王是三昭三穆也△三昭者
天地人又宿住智證明等在上

永拔無明根平

常遊大覺觀他

大上天皇表名

姑射之遊平

與八仙無其極他

襄城之德他

將千葉流其芳平

△大覺觀者大覺佛名也觀者樓觀事也△姑射之
遊者△仙人之遊山名也八仙者是仙人上首有八

人也莊子曰姑射之山有神人焉不食五穀吸風
飲露文選注曰蘇兆季上左吳陳曲語被晉曹毛被
雷被為八公此名八仙也八公告安曰可以去矣乃
與登山即昇天八公安所踐石上人馬之跡于今存
也文句曲山八仙仙人也△襄城者宮也莊子曰黃
帝將見大隗於具茨之山方明為問塗焉襄城黃帝
遊居地也△千葉者千千秋萬歲義葉門葉也謂子
孫相續及千葉賀判義也

震位戴君表名

名齊文王世子他

德比悉陀薩埵他

△震位者東宮戴君者次王子也初學記曰震為長

子△文王世子者禮記曰文王之為世子也白虎通曰何以天子之子稱世子春秋傳曰王世子會于昔上是也或曰諸侯之子稱世子春秋傳曰晉有太子申生鄭有太子華齊有太子光由是觀之周制太子世子亦不定也漢制天子稱皇帝其嫡嗣稱皇太子諸侯之嫡稱世子後代盛因之最勝王經云震位見上戴君東宮也太子位△文王世子如上注△悉陀者釋迦因位也今王子比器量矣

監國之譽弥新

紹構之功不墜

△監國者監公衿切視也言視國盛衰義也左傳曰太子奉冢禮社稷之次米盛以朝夕祖君膳者也故曰冢子君行則守有守則從從日撫軍守曰監國△紹構之功者位繼事也文選曰前人欲以垂後嗣

思其堂構注曰後嗣思繼先君如先起其堂構以木則成度之屋文選第七曰魏周榮虞仲朝各紹堂構克負木薪文注曰魏周榮叔羨子也虞仲朝文繡子也言皆能紹祖父德業也古人有言曰其父折薪其子不克負荷文△不墜者謂聖王功業如日月不墜地位相繼構城於無為心也紹功之德業世間無陰不墜判也云

宮貴飛美

文武効能

統北極而竭力

仰南風而解愠

△統北極者論語曰為政以德譬如北辰居其所而眾星拱之文選第十六曰眾星環北辰注曰環繞也北辰北極星也眾星以北辰為主故統之萬民歸

君亦猶是焉。△南風者史記曰舜作五絃之琴歌南風之詩而天下治。○夫南風詩生長之音也。文

斯食有餘平

冠帶無盡他

△斯食有餘者平

第五曰主父不為親支所夢必不窺五斯之食注曰
夢輕也主父名偃巫人也好學家貧為親知朋友所
陵後事漢得為鄉相遂列五斯美鐘而食食邑三百
戶也文選十八曰豈非瘵飢不期於斯食注曰宜應
時之理豈非飢者不擇食文或云斯食三公家也
△冠帶者冠著冠無為義帶臣下具也

普潤幽明平

廣及動植他

共沐般若之甘露他 同昇解脫之蓮臺平

△幽明者陰陽義也或遠近義也 △動植者如次有
情非情也 △解脫者此佛果也謂佛果解脫一切煩
惱感障故佛果名解脫也天台釋云解謂離縛脫謂
自在文此意也

高野山萬燈會願文

△萬燈會者有一年三
度謂三月廿一日七月

十五日十二月晦日也云今時十一月廿六日只一
度也項北四日勤之

恭聞發句

黑暗者生死之源平 遍明者圓寂之本他

原其元始他

各有因緣平

日燈敬乎空平

唯除一天之暗他

月鏡懸漢他

誰作三千之明平

至如下傍句

大日遍照法界他

智鏡高照靈臺中

内外之障悉除平

自他之光普舉他

欲取彼光平

何不仰止他

△自恭聞至仰止此一段舉世間日月光對法性萬燈光明論勝劣也黑暗處含無明暗夜與世間長夜

也又遍明處兼本覺遍照與日月遍明也△生死與圓寂對辨也△圓寂者涅槃義也生死涅槃常之談也△自原其元始至三千之明先兼含處舉明暗釋也△日燈者日也△一天者須弥四方四天也莫照四天同時南北光明不及東西義也△月鏡者月也漢天也△三千明者三千大千世界也言天竺有貧女切髮代油燈明供佛其光明遍照三千大千世界也以此意三千釋也△自至如至仰止此舉本有本舉之大日光明比今萬燈也於摩訶毘盧遮那翻名有多數一除暗遍明義二能成衆務義三光無生滅義等也今此一段以光明無生滅之義釋給也云△大日遍照○靈臺者光明遍照之義釋也△内外○悉除者此除闇遍明義釋也△自他○普舉者此能成衆務之義判也△欲取○仰止者舉能信成就義也

於是傍句

空海與諸金剛子等表名

於金剛峯寺聊設萬燈萬華之會奉獻

兩部曼荼羅四種智印所期每年一度奉

設斯事奉答四恩

△兩部○四種智印者開合不同數對歟△每年一度者此義時可十一月廿六日也云今時廿四日勤之

虛空盡衆生盡他

涅槃盡我願盡他

尔乃傍句

金峰高從耳平

下晚安明之培塿他

玉毫放光平

忽滅梵釋之赫日他

△虛空盡○我願盡者新阿含云以十不可盡與衆生願何等爲十一者衆生不可盡二世界不可盡三虛空不可盡四法界不可盡五涅槃不可盡六佛土不可盡七佛知不可盡八心所不可盡九起智不可盡十世間轉法輪不可盡文△安明者須弥翻名也△培塿者小基也言依此萬燈會者高野山興隆而發高勝須弥須弥還似小冢之義也探玄記曰第五卷謂須弥山此云妙高山謂以四寶所成故云妙○獨出九山故亦高高八萬四千由旬縱廣正等亦云安名山文明名同音故也△玉毫者眉間白毫也天

竺有大力士額上似白玉毫有之此名玉毫也△忽減○赫日者此依萬燈會光暉安置之佛可增光明梵天帝釋之光明雖如日暉依當山安置之毫相可不現之義也云

監字一炎平

乍飄法界除病他

質多萬華平

含咲諸尊開眼他

△監字者火大種子也此萬燈光明周遍法界可除眾生無明業病為言△質多者心梵語也言依供華功德納受諸尊意也質多萬華心蓮華義也

仰願傍句藉斯光業他拔濟自他平

無明之他忽歸自明平本覺之自乍棄他身

△無明之他者於自他有四種一自之自二自之他三他之自四他之他也別本即身義云問佛是覺者眾生是迷人心是迷眾生心如何云心佛及眾生是三無差別答此宗旨於自他各各有自他故云心佛及眾生是三無差別問其於自他各有自他故云三無差別意如何答自之本覺佛云自之自自之煩惱身云自之他他之本覺云他之自他之煩惱身云他之他指自佛亦名眾生亦名心故云是三無別也問於眾生而煩惱身可各自佛各他如何佛各自煩惱各他答眾生若不作惡業當是可佛然造惡業作迷眾生故佛云自煩惱云他由茲諸教云客塵煩惱釋論第二云楞伽王契經中作如是說尔時世尊告

大衆言諸佛字我念往昔於出時中我來從他於入時中他來依我故此經文明何義謂顯示二轉故云何顯示謂於出時中我來依他者即是下轉於入時中他來依我者即是上轉此義云何我謂即是真如本覺如來藏佛故來謂受熏之義故依他者皆自本體依無明他故云△私云此無明與法性對辨判自他也△無明者迷心之衆生自心即佛之理不知而他方求佛故釋無明之他也△自明者以如來萬德智燈照諸法無明之體即全法性之明故歸自明御釋也自明者知自心即佛之道理迷自明也△本覺○他身者謂本覺之淨刹即邪邪地也指邪邪地云他身邪邪地即本覺之淨土故本覺之自作棄他身釋也無盡莊嚴平
放大日之惠光平

刹塵智印他

發朗月之定照他

六大所遍他

五智彼含平

排塵沉地他

流水遊林平

△排塵者飛鳥也△沉地者螻蟻蚯蚓等也流水者魚之類也△遊林者猿猴鹿等類也

揔是我四恩平

同共入一覺他
△一覺者指不二之覺位歟

天長九年八月廿二日

勸進奉造佛塔知識書

敬勸 應奉造佛塔曼荼羅等書

夫 諸佛事業以大慈為先

菩薩行願以大悲為本

慈能與樂 悲能拔苦

拔苦與樂之基示人正路是也

△敬勸應奉造等者此大師於高野山建立多寶之塔勸進帳也 △佛塔者大日經疏云削底與悉駄體同用異 ○謂心為佛塔 文梵云塔婆此翻方墳亦云靈廟又言支提無骨身者也 云率都婆此翻聚集處

也又翻滅罪處也又翻功德聚也 △自夫諸佛○至圓滿佛果此發端句也先舉塔婆功德之中拔苦與樂德也此諸佛菩薩依大慈大悲釋滅罪生善之義也

所謂 正路有二種一定惠門二福德門

定惠 以開正法修禪定為七日

福德 以建佛塔造佛像為要

三世諸佛 十方薩埵

皆營斯福智圓滿佛果

是故

傍句

比年為

△所謂正路○圓滿佛果者此一段釋正路之

義也△一定惠門者法華寶塔品種種寶物文此一
句天台釋云種種寶物者眾多定惠而莊嚴也文定
惠即如車兩輪聞正法入禪定義思惟以為正路也
△二福德門者福者善也德者果也謂三世十方菩
薩成就因位萬善之功證佛果萬德以為本願然塔
婆萬善聚集乍顯萬德處也是示正路也釋相分明也

拔濟四恩

平

具足二利

他

於金剛峯寺奉建毘盧遮那法界體性塔

二基及胎藏金剛界兩部曼荼羅

△二基者大塔西塔也大塔十六丈十六大菩薩方
形下郭胎內圓形金即兩部不二塔也九輪九識所
表也又西塔九丈是又表九識西塔僧正再興云鳥
羽院後有御修造云又大塔胎藏五佛西塔金界五佛
然今傍句 工夫數多平 糧食難給他

今思

傍句

與諸貴賤四眾同斯功業

所以

傍句

一塵崇大山嶽

一滴深廣海

同心勸力之所致也

△然今○所致也者此工夫
糧食多難成就事也工者大

工夫者人夫材木運入也△一塵○廣海者世顏曰
塵滴積成山海云漢書曰泰山不讓土壤人能成其

高河海不厭細流故能成其深矣
△勦力者小力
合合字人數力合勦字也

伏乞傍句

諸擅越等各添一錢一粒之物相濟斯功德

然則傍句

所營事業不日而成平所生功德萬劫而廣他

四恩飽現當之德他 五類饒幽顯之福他

同脫無明鄉平 齊遊大日殿他

敬勸△擅越者擅那也擅那梵語此翻布施也

△不日者日不數早速成就義也△幽顯者幽者谷意即九界迷妄之衆生也顯者高山顯出日輪也△五類者上界天虛空天地居天遊虛空天地下天也

續遍照發揮性靈集補闕抄卷第八終



性理大全

卷之

